6/23/2017 Serif Bold UDHR - Mende

# **Universal Declaration of Human Rights - Mende**

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <a href="http://www.unicode.org/udhr">http://www.unicode.org/udhr</a>.

# Dunya Lahi Nuvuu Lonyisia Va

### Magona Yepei

A jifa kiliyei na ke numu vuu kpelee ti maa hewulei lo towa kpaupau le laha va, tonya kee ndileli dunyihu.

A jifa ngawulεεhu kee baagbuala nuvugaa ti lonyisia ma ti wanga a pie hindangaa na hii i wotea a nemahugili waa nuvuu ma, dunya ninahu mia mahoingo muvuu i gu i yερε kia ngi longola, kee ngi lanayei kee ngi lima hinda.

A jifa maa ii houni nu mu vuu i wote a ko gomo mahaya nyamu nyamu kee nduwo ya yeya, ke mahoingoe sawei i nuvuu lonyii mavale,

A jifa mahoingo ndiamoyei na ndolesialuahu i leguloma,

A jifa nungei nasia ti ndolei kpele ti woyilei na hu ti lanaya genga kolo yayilingoihu,

Kεε nuvuu lonya, ngi nuvuu ya, ngi yeyei kεε hindui taa nyahii ti lonyei maahewu lei, kεε gboma ti ti lia yilinga ko yange yange kεε ndevu yekpe la i le guloma.

A jifa ndolei nasia ti dunyi hu ti lahei wumbua a ngoyila koo ti to ke baago ma a yelo na nuvuu va kee ngi lonya ya va,

A jifa kiliyei yaa numu kpelehu hinda yayilingoi ji a lelo guloma,

Fale naa

Komewai na ta toli a

Genela Asembili

Ndenga Ye

Dunya Lahei ji nuvuu lonyinsia va i wote a ŋaiki numui kpelee kee ndolei kpelee va nahii ke numu gbi oo ngoyila hugbate gbi na hinda yayilingoi ji ngi enmahu kpotu i lapi kpugu kpugu a numu gaalahu wie i to ke bagooma iye tonei jisia ma kee hugbemboi jisia nungei nasia weti yei ndoo kpele hugbatai ji hu, kee nasia ti ndolongaa hu nahi tii yee ndolo kpele hugbatei jisia bu.

#### 1. Ngayilii Ye Ngilei

Numuvuisia Kpelee ta ti le te ye nduwo ya hu, tao ti nuvuu yei kee ti lonyi maa hewungo. Kiiya kee hindaluahu goola a yelo ti hun. Fale mahoungo ti ti nyonyohu hoi kia ndeegaa.

### 2. Ngayilii Ye Fele Yei

Hugbatei ji numu kpelee lo va, nu genyei, ngi luwu yegii, nyaha oo hindgo, nu layia, Ngewoi na a feli, ngi gilii yei, ngi le gi kee ngi gbate ii ma.

Tao maa ii houni nduahu ge i waa nungaa luahu jifa tii gbuani ndolo yilahu, oo jifa tia heini ti yekpe va oo tii yekpe va.

### 3. Ngayilii Ye Sawa Yei

Nuvuu gbi ngi lonya mia koo ndevu i yε ngi hu, koo aa yε nuu bu, tao koo mahungbee i yε ngi ma.

#### 4. Ngayilii Ye Naani Yei

Maa ii houni ti numu gbi hou nduwoya hu, oo ti ngi waa monemone hinda hu, maa ii houni nuu maajia va nduwoya hu, tao gboma mahoungo nduwoyei ye keyi kgbi lekee i gboyo.

### 5. Ngayilii Ye Loolu Yei

Maa ii houni koo ti kpaagba hinda la nuu gbi ma, tao koo ti hinda wee a numu na a ke ke nuvuu yaa a ngie.

### 6. Ngayilii Ye Weita Yei

Nuvuu gbi lee ngi lonya mia koo sawei i baagoo ngi nuvuu ya ma mia leke gbi.

#### 7. Ngayilii Ye Wəfila Yei

Nuvuu kpelee ti maahewungoe sawei gulo, tao mahoungo sawei i ti mahu wee nahi gbi ee ti hu woyo. Mahoungo sawei i to ke hugbatei ji ee numugbi gbukpuu.

# 8 Ngayilii Ye Wayakpei

Nuu gbi ngi lonya mia koo sawa kpaambu ngaa yekpe ti ngi lonyi mavale a watii na ngi lonyi nasia ndoo jawei keni numu a nyani ngi ma.

#### 9. Ngayilii Ye Taalui

Maa ii houni ti numu magba, ti ngi wu kpegbema oo ti ngi gbe ngi yee a baama hu we.

### 10. Ngayilii Ye Puui

Nuu gbi ngi lonya mia nahii ti la nyongaa ngi ma te i ngi maahinda gulanga kolehu oo i sawa kpoukpou nyaninga, koo ti ye njie na le fofohu, tao koo sawakpambu jein jein gongaa ti loo ngi va.

# 11. Ngayilii Ye Puu Mahuyelei

- 1. Nuu gbi ngi lonya mia nahi ti la nyongaa ngi ma hinda ngamu va, taa kiti lewe haani ti ye njie na le fofohu, tao ti jia a sawe panda pandaa.
- 2. Maa ii houni ti baa nuu gbi ma a sawahu wee ndɔɔ yila jawa yo ɔɔ ndunya kpεlεε jawa. Tao gbɔma maa i houni sawei i kpagbaa la nuu ma na kaahu lewengɔ sawei na ma i nyanini.

### 12. Ngayilii Ye Puu Mahufilei

Maa ii houni nuu i yε na nahi ta loko wili ngi bundu hinda hu, ngi ye pεεbu hinda, kɔlei kεε ngowili na a pili ngitiwoma kia lee ti longɔla, kεε kakpama a baagbuama hu we. Maa houngɔ sawei i nuu gbi maawεε yεε kakpamεi ji bondayeya.

#### 13. Ngayilii Ye Puumahu Sawei

1. Mahoungo numu gbi i ye hugbembo hu koo i li mia leke gbi ngi longo i li na, tao koo i hei ndoo gbi leke hu ngi longo i heihu.

- 2. Nuu gbi ngi lonya mia koo i gbua ndolo yila hu i li peka hu, i wee a ngi yee oo mbaa tinda, tao koo i yama ngi ndei na hu mia i gbuanina.
- 14. Ngayilii Ye Puumahu Naanii
- 1. Nuu gbi lənya mia kəə i ngi yaama ləwu kakpama yeye ndəə yeka hu, tao kəə i nganei gbuana.
- 2. Ye sawei ji εε lεkpε gbi naleke ye numui ji i ndolo jawa nyanini, tao i hinda gbulaninga na ndolo woyila hugbatei i loila.
- 15. Ngayilii Ye Puumahu Looli
- 1. Nuu gbi lonya mia koo i wote a ndololii.
- 2. Maa i houni koo ti nuu gbi baa a ngi lolii ya, oo koo ti ngi baa a ndololii ya ndoo yekahu.
- 16. Ngayilii Ye Puumahu Weitei
- 1. Hindui taa nyahii na ti lakpango ta soowelo ti ndengaa le, ti genye ii yeni bee yila, tii yeni bee a ndolo yila hunblaa, oo Ngewo veli gbambi yila ma. Ti lonye maahewungo soova, soohu, oo ji ta lo ti gole.
- 2. Koo hindui taa nyaha ti soowee, a nee pein ti veinja we.
- 3. Bondei mia ndolei yei kpokui le, fale maahoungo heimii ke ndolo gbi ti bondei mahu gbee kpotu kpotu.
- 17. Ngayilii Ye Puumahu Woilei
- 1. Nuu gbi lənya mia kəə i ngi wuma haakangaa majəə, tao gbəma kəə taa nungaa ti makpəma haaka majəə.
- 2. Te nuu gbi haaka gbua ngi yeya kia leke ti longola.
- 18. Ngayilii Ye Puumahu Waykpei

Nuu gbi loya mia koo i kiiya wee, koo i giila gboo tonyei le oo gboo i lonyani, Ngewoε ye gboo ngi longo i feli, ye tonye ji a ngi jein jein lo koo i ngi giliyei oo ngi yewoveilei wote, I wote bεε atayakpe oo taa nungaa, fofohu oo sokuma, koo i nungaa gaa a ngi ngliyei kεε ngi yewo hindei.

19. Ngayilii Ye Puumahu Taalui

Nuu gbi lənya mia kəə i kiliya wee tao kəə i yee kiiyeina le fofohu, yee tənyεi ji a peelə yee kiiyei ji nuu gbi εε gbekpa kulə, tao kəə i nemahulee kεε ngowii majəə tao kəə ta bεε i fe nungaa wε a pele gbi hu we, nahi bandowoma gbi εε waa nduahu.

- 20. Ngayilii Ye Nugboyongoi
- 1. Nuu gbi lonya mia koo taa nungaa ti gome, tao koo taa teini ti lee, i na lee hinda huwu va ii le.
- 2. Tee nguaa numu gbi la a kpoli hale koo i wote a kome ma mo.
- 21. Ngayilii Ye Nugboyongo-Mahuyelei
- 1. Nuu gbi lonya mia koo ngi loko i ye ngi guameti hindeihu, ke bee ta vulii i yehu oo nungaa tia vulii ta lokoloo ti ma.
- 2. Nuu gbi lənya mia kəə ngi ləəhu guameti hugbate wie ngoisia ti hiti ngi ma kia lee ta hiti nungaa ye pekeisia ma.

- 3. Nungaa mia maahoungo ti ti guameti hei, ti gbayei mia a pie a yenge, hulembinga ta yamalo ti kolei gula, tao ye kolei ji a kgula bunduhulo, nahii nungbi ee gbekpa numu gulo.
- 22. Ngayilii Ye Nugboyongo-Mahufelei

Numu gbi lee ndololii a ngie, ngi lolei kpoma hugbate wie ngi va, tao koo ngi lolei taa ngitiwoma hugbate ti pee ye kpoma hugbatei na i foo ngi ma, tao a majoolo kialeke ngi lolei gbatei kee ye saweisia ti na, gboma kia lekee ye numui bee ngi hami gii na, koo wei i legulo.

- 23. Ngayilii Ye Nugboyongo-Mahusawei
- 1. Numu gbi lənya mia kəə i yenge, tao kəə i ngengei na wie ngi longəla, kəə i mbɛlɛhei majəə ngengemɛi, tao kəə ti tə kɛngengei ɛɛ ngi lo.
- 2. Numu gbi lonya mia, nahii nduahu gbiima, koo ti ngi pawa kia a yenge la.
- 3. Ngenge mogbi lonya mia koo ti ngi pawa nahii ta kee ngi mablaa ta ti magbee gbualo hu kia nuvu, tao gboma koo kpoma yeka i yena ngi va.
- 4. Ngenge mogbi lonya mia koo i wili hugbatehu na ngenga blaa ma vale.
- 24. Ngayilii Ye Nugboyongo-Mahunaani

Ngenge mogbi lonya mia koo i levu tao koo i kpele yeka gbua, tao gboma koo aa ngenge huguango waa wie, mahoungo gboma i yaa a ndevu wati majoo, nahi i yaa ye ndevui na wie ma ta yaalo a ngi pawa.

- 25. Ngayilii Ye Nugboyono-Mahuloolui
- 1. Numu gbi lɔnya mia kɔɔ ta kɛɛ ngi mablaa ti yɛ kaahugbua hu, ti mɛhɛɛ yekpe mɛ, ti kula yekpe yili, ti la ndama yekpe, ti hale yekpe majɔɔ, tao gbɔma guamɛti i ye na ti va, hugbatɛ yekpe i yena ngi va a watii na ɛɛ yɛ ngege hu, a watii na ngi heigɛngɔ, watii na ngi wovang, kɛɛ watii na hinda a wa ngi mahu nahii ɛɛ gumbu.
- 2. Mahoungo gboma hugbate i ye na kuimeisia kee ndengaa va. Mahoungo ndengaa kpelee, naa ti ke taa ti njeni ti soohu oo tii soohu, ye hugbatei ji i ti maa wee.
- 26. Ngayilii Ye Nugboyongo-Mahuweitei
- 1. Numu gbi lənya mia kəə i kələ gaa. Maa ii houni navoo hinda i ye kələgaala ma, ke bee i wote a ye tətəmei. Mahoungə kələ gaalei i wote a sawa kpawu kpawu na ndo gbi e gbuama ye tətoomi. Nyandengə kəə ngenge kələngaa i yna kpoto, kee kələ yalngə gaalei naa va ti nemabu lewengə.
- 2. Kolo gaalei i wote a hinda na a nuu le guloma, ngi lonyisia kee ngi hugbemboi. I loko hei hinda yawubu goola, hinda bu houla kee ndiamoya dunyei kpelee luahu, kenyeisia kee Ngewo veli gbambisia luahu, tao kpaya waalo ndolo kpele woyila yenge lukuisia hu koo ndileli i li guloma.
- 3. Bondeisia ti wote a haala bla ta kɛ na kaa ye gbɔɔ ti leingaa ta pee.
- 27. Ngayilii Ye Nugboyongo Mahuwofilei
- 1. Numu gbi lənya mia kəə ngi loko i ye mia a yena ye kəndi hinda hu, i ngaa nee ye ye mbembei hu kee sayensi ye tekuləmii taa ye nafei.
- 2. Numu gbi lənya mia kəə mahugbee kpətu kpətu i yɛ ngi gbatɛ hani ma, i yɛ a ngole əə hani lalangə əə sayɛnsi haaka.
- 28. Ngayilii Ye Nugboyono Mahuwayakpei

Numu gbi lənya mia kəə ngi yee jawa kεε ngitiwoma gee i yɛna, na a tə kε dunya lahei jisia ta hitilənga.

- 29. Ngayilii Ye Nugboyongo Mahutaawui
- 1. Numu gbi lee, mia i heina, tao a lena guloma, mahouingo i na hinda hou a loko veinja.
- 2. Ji numu a ye ngi lonyei kee ngi hugbemboi ya yenge ma, na lee a wote a kpeenguu a wee a saweilo naa a nuu wekeisia ti lonyei kee ti hugbemboi ma vale, kee numu kpele ti maahinda va ngoyila loohu.
- 3. Numu ɛ ye tənyei jisia kɛɛ hugbɛmboi jisia yayenge nahi kpuangə pilei na ma, tao gbəma ɛɛ pindɛ kaa na wooma na ndələ kpɛlɛ gomɛi ti ndani.
- 30. Ngayilii Ye Numugboyongo Mahupuui

Gbewogbe gbi na kolei ii hu na nu mu a nde ye kenga ti puilo na koo i ndolo oo ngoyila hugbate leenga ti lonyei kee ti hugbemboi mahugbua.